

文宗顯皇帝實錄(四)

卷一八八至卷二七二
咸豐六年至八年

清實錄

第四三冊

中華書局影印

清實錄第四三冊目錄

文宗顯皇帝實錄(四)

卷二〇一 咸豐六年六月中 四五五〇八

卷二〇二 咸豐六年六月下 四五五一八

卷二〇三 咸豐六年七月上 四五五二九

卷二〇四 咸豐六年七月下 四五五四三

卷二〇五 咸豐六年八月上 四五五五八

卷二〇六 咸豐六年八月下 四五五七三

卷二〇七 咸豐六年九月上 四五五九一

卷二〇八 咸豐六年九月下 四五六〇七

卷二〇九 咸豐六年十月上 四五六二四

卷二一〇 咸豐六年十月下 四五六四一

卷二一一 咸豐六年十一月上 四五六五八

卷二一二 咸豐六年十一月中 四五六七〇

卷二一三 咸豐六年十一月下 四五六八〇

卷二一四 咸豐六年十二月上 四五六九二

卷二一五 咸豐六年十二月中 四五七〇五

卷二一六 咸豐六年十二月下 四五七一五

卷二一七 咸豐七年正月上 四五七二九

卷一八八 咸豐六年正月上 四五三三三

卷一八九 咸豐六年正月下 四五三四六

卷一九〇 咸豐六年二月上 四五三六一

卷一九一 咸豐六年二月下 四五三七六

卷一九二 咸豐六年三月上 四五三九三

卷一九三 咸豐六年三月中 四五四〇九

卷一九四 咸豐六年三月下 四五四二七

卷一九五 咸豐六年四月上 四五四三七

卷一九六 咸豐六年四月下 四五四五一

卷一九七 咸豐六年五月上 四五四六八

卷一九八 咸豐六年五月中 四五四七九

卷一九九 咸豐六年五月下 四五四八八

卷二〇〇 咸豐六年六月上 四五四九八

卷二二八	咸豐七年正月下	四五七九
卷二二九	咸豐七年二月上	四五七一
卷二二〇	咸豐七年二月下	四五七九
卷二二一	咸豐七年三月上	四五七八
卷二二二	咸豐七年三月下	四五七八
卷二二三	咸豐七年四月上	四五八一
卷二二四	咸豐七年四月下	四五八二
卷二二五	咸豐七年五月上	四五八三
卷二二六	咸豐七年五月下	四五八四
卷二二七	咸豐七年閏五月上	四五八五
卷二二八	咸豐七年閏五月下	四五八六
卷二二九	咸豐七年六月上	四五八九
卷二三〇	咸豐七年六月下	四五九〇
卷二三一	咸豐七年七月上	四五九二
卷二三二	咸豐七年七月下	四五九四
卷二三三	咸豐七年八月上	四五九五
卷二三四	咸豐七年八月下	四五九六
卷二三五	咸豐七年九月上	四五九七
卷二三六	咸豐七年九月下	四九九七
卷二三七	咸豐七年十月上	四九九九
卷二三八	咸豐七年十月下	四六〇三
卷二三九	咸豐七年十一月上	四六〇四
卷二四〇	咸豐七年十一月下	四六〇五
卷二四一	咸豐七年十二月上	四六〇七
卷二四二	咸豐七年十二月下	四六〇七
卷二四三	咸豐八年正月上	四六〇九
卷二四四	咸豐八年正月下	四六一〇
卷二四五	咸豐八年二月上	四六一〇
卷二四六	咸豐八年二月下	四六一二
卷二四七	咸豐八年三月上	四六一四
卷二四八	咸豐八年三月中	四六一六
卷二四九	咸豐八年三月下	四六一八
卷二五〇	咸豐八年四月上	四六一九
卷二五一	咸豐八年四月下	四六二一

卷二五二	咸豐八年四月下	四六三三
卷二五三	咸豐八年五月上	四六二四九
卷二五四	咸豐八年五月中	四六二六四
卷二五五	咸豐八年五月下	四六二八五
卷二五六	咸豐八年六月上	四六二九五
卷二五七	咸豐八年六月下	四六三一
卷二五八	咸豐八年七月上	四六三二
卷二五九	咸豐八年七月下	四六三四八
卷二六〇	咸豐八年八月上	四六三六二
卷二六一	咸豐八年八月中	四六三七六
卷二六二	咸豐八年八月下	四六三八九
卷二六三	咸豐八年九月上	四六四〇六
卷二六四	咸豐八年九月中	四六四二六
卷二六五	咸豐八年九月下	四六四三六
卷二六六	咸豐八年十月上	四六四五一
卷二六七	咸豐八年十月中	四六四六五
卷二六八	咸豐八年十月下	四六四七八
卷二六九	咸豐八年十一月上	四六四八八
卷二七〇	咸豐八年十一月下	四六五〇九
卷二七一	咸豐八年十二月上	四六五二五
卷二七二	咸豐八年十二月下	四六五四〇

御前大臣景壽奕山為御前大臣○命貝勒

復瑞州臨江無稍延緩現在新淦奉新均有

匪蹤闖入。雖因兵力較單。究屬防堵不力。署

新淦縣知縣李作士。奉新縣知縣竇煦均著

革職。戴罪隨營。以觀後效。○予江西陣亡千

總劉以成。祭葬世職。勇丁劉聯元等賞卹。如

例。○緩徵直隸開東明長垣保定吳橋東光

寶坻甯河新城雄安高陽天津靜海豐潤玉

田武清薊霸文安大城永清東安安肅蠡東

鹿河間獻任邱景青滄南皮鹽山慶雲晉南

和。平鄉廣宗鉅鹿任。永年邯鄲曲周廣平雞

澤磁元城大名南樂清豐南宮武邑衡水隆

平甯晉深武強五十八州縣被水村莊新舊

額賦展賑。東明長垣吳橋東光保定開六州

縣被水災民。一月口糧。○展賑河南蘭儀祥

符陳留杞封邱考城六縣被水災民。一月口

糧。○朝鮮國使臣趙德林等二人。琉球國使

臣向邦棟等二人。均於重華宮瞻覲。○辛酉

高宗純皇帝忌辰遣官祭

裕陵。

上詣

壽皇殿行禮。○詣

開帝廟拈香。○諭內閣。綿勳奏多爾濟那木

凱接班遲誤一摺。向來王大臣等禁城內進

班遲誤。並出班之人。不待交替。即自散歸者

例禁甚嚴。若有別項差使。勢難兼顧。並非藉

詞推諉者。則出班之人。通融少待。雖例無明

文。而亦不外乎情理。綿勳前因國瑞圓明園

接班稍遲。具摺奏聞。經朕查明。國瑞係有隨

從差使。故未予處分。並非從寬免究。茲多爾

濟那木凱於元旦亦有隨從差使。接班稍遲

並未曠誤。綿勳既知多爾濟那木凱並非無

故遲延。何得復行奏顯。因是日不能及早

出班。特以申明舊例為詞。假公濟私。實屬非

是。且據奏請。或仍遵舊例。或另定新章等語

尤屬負氣妄言。綿勳著交宗人府議處。嗣後

輪應進班之王大臣等。如無別項差使。而遲

逾時刻。或藉端推諉。曠誤不到者。仍著出班

之人據實奏奏若如國瑞多爾濟那木凱之事出有因人所共知者不得挾私妄劾以昭平允○又諭向榮奏蕪湖水陸截剿疊獲勝仗一摺逆賊負固蕪湖節經官軍圍蹙副將李德麟探聞江北神塘河口內賊匪數千夥併安慶竄下賊船在泥汊河荻港一帶窺伺接應十一月二十二日李德麟帶領紅單船折赴神塘河追剿賊衆蜂擁拒敵經紅單船往來衝盪轟沈賊船三十餘隻生擒偽檢點

趙元發等八名奪船八隻餘賊遁入河口總兵吳全美各船在下游同時將裕溪口接濟賊船擊沈截剿偷渡賊划十二月初九日賊復自無為州糾合上游賊船數百隻竄應神塘河直逼荻港李德麟函會鄧紹良吳全美分派兵船合力助剿李德麟督船先到奮勇轟擊立毀大小賊船數十隻焚溺賊匪無算生擒偽將軍王紀興等奪獲礮械多件乘勝跟剿十二日駛至劉家渡江面外委劉得清

乘駕快蟹船首先衝入賊隊把總鄭吉星劉裕安等均各併力攻擊計共奪船三十隻軍器二百餘件賊衆拌命潰逃其應援石壘之賊自陶陽鋪等處來犯均被鄧紹良督勇擊回復將范羅山守埭賊匪擊倒該逆見勢不支自將陶陽鋪等處賊壘焚棄而竄此次擊敗賊援逆黨已成孤立著向榮即飭各路將弁乘此聲威迅速掃蕩以清江面○諭軍機大臣等向榮奏蕪湖水陸獲勝情形一摺據

稱旂羅山等處賊匪焚壘回竄東梁山已調魯港老鴉山兵勇協創黃池杜其內竄之路該處直接高淳東壩久為逆匪窺伺稍有鬆懈內犯堪虞向榮所派兵勇是否足數堵截此時蕪湖陸賊雖棄壘潛竄鄧紹良一軍仍應嚴扼上游恐不能分兵返顧向榮前奏揀派精銳一軍以備緩急如黃池有警即令總兵明安泰統帶由高淳一帶攔剿布置尚屬周妥仍當確探賊蹤盡力堵截不可令其竄

入腹地亦不可因該逆回竄遽撤上游精銳兵勇致墮該逆牽綴之計至金陵逆匪糾合上游各路黨與分屯各門意圖援應鎮江據向榮前奏已飭德安帶江鎮得力兵勇駐劄東陽鎮斷其往來誠恐賊眾我寡專事扼截未能得力著與吉爾杭阿妥為籌商總以誘賊出巢就地勦殺使之不敢旁竄方能杜其窺伺詭謀前據托明阿奏探聞金陵首逆定於十二月十五以後二十五以前水陸齊進

下援瓜鎮雖其日期不可憑信而急圖下竄之意則與向榮現奏情形符合向榮吉爾杭阿務當加意防範能乘該逆出援痛加勦洗不特可免內竄之患亦於克復城池事機更有裨益將此由六百里各諭令知之○欽差大臣向榮奏請飭甘肅提督索文赴江皖等省勦匪得旨索文人尚可用作亦頗勇往前經琦善奏調因甘省乏人未允現在甘肅兵少餉缺各鎮率皆署任正資彈壓不能令其遠

出也○壬戌諭軍機大臣等英桂奏擒匪竄回老巢亟須添兵進剿一摺擒匪張樂行等雖經柘城等縣團勇擊退全數敗回雒河集而拏獲奸細有欲向會亭馬牧等處招集夥黨會合大股之語自應趁各匪未出之先厚集兵力直搗賊巢不得因豫境暫時安謐專事防堵致令蔓延武隆額所稱調取壽春固原河州等兵均不能來河南所派兵勇僅止數千自嫌單薄惟安徽省前有鄭魁士原帶兵一千五百名已諭令和春等另委大員統帶此外有容照興慶所帶馬步隊兵及諭托明阿等酌派之吉林兵並令官文於留駐德安馬隊中量撥數百名又有和春等前派之戴世熙所帶兗州中正各兵勇龔耀倫武全之徐州潁州兩處兵各五百名為數已屬不少英桂現在督辦三省勦匪事宜權有專歸責無旁貸著即遵旨嚴催各路兵勇前赴雒河集會剿儻有逗遛畏葸情事即將帶兵各

員從嚴叅辦以肅軍令毋得任令遷延致有貽誤軍行糧餉一面飭令藩司籌款接濟將此由六百里加緊諭令知之○以直隸布政使庚長為江南河道總督未到任前以漕運總督邵燦兼署並督辦防堵事宜○以江蘇按察使錢忻和為直隸布政使江蘇常鎮通海道趙德輦為按察使○賞署山西布政使恆福三品頂帶雲南布政使史致蕃二品頂帶○予故江南河道總督楊以增祭葬卹廕

如軍營病故例○緩徵山東歷城章邱長清德平原青城陽信樂陵汶上朝城堂邑清平館陶恩博興邱齊東禹城臨邑肥城東平東阿惠民商河霑化鄒濰單曹金鄉鄒平長山新城齊河濟陽陵海豐蘭山莒沂水聊城茌平高苑樂安壽光平度昌邑濰高密夏津平陰濱利津滕寧陽穀壽張城武定陶鉅野鄆城濮高唐濟甯嘉祥魚臺范六十七州縣及德州東昌臨清濟甯四衛被賊被水莊屯

本年額賦○緩徵山西洪洞縣被賊災民應完倉穀○甲子諭軍機大臣等前因武隆額督勦擒匪毫無把握已降旨專交英桂督辦所有三省會勦官兵悉歸該撫節制本日據英桂奏已飛飭嚴提興慶朱連泰等即日管帶兵勇及早會合進攻賊巢又據和春福濟奏武隆額將亳州官兵調赴永城自係歸德未經解圍以前之事英桂所奏請飭和春等續派官兵由蒙亳進逼賊巢又係未接皖省

移文尚不知鄭魁士已赴亳州塔思哈已於十二月初六日由霍山啟程之事今豫省已無匪蹤擒衆業經回竄自以潁亳一帶為喫重所有武全管帶之潁州兵徐曉峰管帶之中正勇即著由亳州一路進攻朱連泰管帶之兗州徐州兵即著由永城折回四面會合力破賊巢鄭魁士既經前往該處即著督率諸軍迅圖攻勦仍歸英桂節制如皖省勦辦緊急該匪或仍竄豫境鄭魁士即應馳往豫

省協勒總宜賊在何處兵到何處不得稍分畛域但知自固藩籬至英桂既督辦三省勒匪事宜即非河南一省之事前此諭令馳赴歸德原因賊在歸德之故今既已退回安徽境內該撫即應帶兵前往交界處所扼要駐劄一面撥兵前赴會勒若如所奏俟兵勇到齊再赴歸德未免過於迂緩容照馬隊近在宿州與其調往豫境何如飭赴潁亳而該撫移營就兵較為近便其續調之信陽防堵兵

五百名保安所帶山東兵五百名該撫已令先赴歸德即著催令由歸德前進會合皖兵其河北各兵並滑縣壯勇儘一時未能齊集該撫止可先行出省將武隆額現帶之兵調集進勒匪蹤烏合紛竄無定總以迅速為貴庶不至養成巨患至吉林黑龍江馬隊調出已多且恐緩不濟急魁福甫經回任未能再行調派其前調揚州軍營馬隊本日據托明阿奏稱已派吉林馬隊五百名交待衛伊興

額協領德昌管帶由浦口六合兼程前進取道滁州馳往歸德著英桂即行提催徑赴潁亳一帶會同鄭魁士合力協勒毋庸前赴歸德其塔思哈一軍並著和春等飛催赴亳歸英桂調遣毋任稍延江南境內防禦亦關緊要署總兵傅振邦既已到任興慶即可帶兵出境探明賊蹤赴皖會勒其本境防堵事宜即由傅振邦籌辦將此由六百里各諭令知之○命大學士賈楨稽察欽奉上諭事件處

○以吏部尚書翁心存為國史館總裁官○予安徽陣亡都司常孝祖祭葬世職○蠲緩安徽五河定遠蒙城壽宿鳳陽懷遠靈璧鳳臺阜陽潁上霍邱太和泗盱眙天長滁全椒來安含山二十州縣被水被旱被賊地方及屯坐各衛新舊額賦有差○乙丑

世祖章皇帝忌辰遣官祭

孝陵○諭內閣內務府奏訊明犯事太監大概供詞一摺國子監祭酒彥昌張家口理事同

知恆俊聽信太監丁得祿輾轉請託薦用家丁殊屬有干例禁彥昌恆俊均著降一級調用○又諭石景芬奏駐劄青山防堵並攻剿賊卡獲勝一摺賊匪在金柱關搭造浮橋挖掘濠塹意圖窺伺甯國府城經石景芬移營青山派兵前往迎剿十二月二十三日賊由龍山橋內犯我軍槍礮齊發斃賊三十餘人賊衆退入卡內當經我軍火器焚燒外卡逆賊挂帆逃逸復被官軍焚毀賊船五隻浮橋

一座逆匪焚溺甚多其開卡死守之賊亦經把總郭桂林等拔棹先登各勇奮力環攻斃賊三百餘人賊勢已蹙金柱關為蕪湖金陵往來要道此次迎剿獲勝著向榮即飭該革員隨同鄧紹良等認真堵剿迅圖克復以贖前愆○諭軍機大臣等前因何桂清奏參道員石景芬私心自逞有意邀功當經降旨將該員革職本日據該革員奏報劄營青山及進剿金柱關賊匪情形尚能扼要布置已明

降諭旨將該革員交向榮差委矣現值軍務需人金柱關既為金陵蕪湖賊匪往來要道黃池一帶防兵甚單著向榮即飭該革員隨同鄧紹良認真堵剿以杜該逆內竄之路仍著隨時察看如該革員仍復有意矜張不知感奮即行奏明撤退毋稍遷就儻實能奮勉立功准其據實保奏將此由五百里諭知向榮並諭鄧紹良知之○以已革安徽道員石景芬留於江南軍營交欽差大臣向榮差委

○予安徽陣亡縣丞杜時升祭葬世職○丙寅以江蘇官紳團練募勇並截拏上海餘匪出力賞在籍都察院左副都御史程庭桂二品頂帶下部議敘副將慶文知府世焜薛煥同知平翰等花翎知縣陳慶長等藍翎餘加銜升敘有差○丁卯享太廟遣恭親王奕訢恭代行禮○上詣大高殿行禮○遣官祭

太歲之神○諭內閣前因戶部尚書柏後謝恩摺內有奉硃筆字樣恐有人寄信通知諭令該尚書明白回奏茲據奏稱謝恩摺件係接奉吏部來文始行拜發實無通信之人因繙譯摺稿時未向部文校對以致字樣不符等語柏後身任大員諒不敢捏詞掩飾惟於拜發摺件並不細心覈對致增疑竇實屬疏忽著交部議處○又諭工部奏請飭催直隸省歲報河道錢糧並南運河歲搶修工程久未具題一摺河工歲報河道錢糧定例於第三年具題該部照例分別准駁原以杜浮冒而重帑項茲直隸省道光十七年以後歲報之案該部於咸豐元年奏催後迄今仍未題報並查南運河道光二十一年歲搶修銀數均有浮多亦未據查明刪減題銷似此任意延宕殊屬不成事體著直隸總督迅將道光十七年以後歲報河道錢糧並道光二十一年以後南運河歲搶修工程分案按年挨次

具題以免積壓而杜蒙混○又諭蔣蔚遠等奏匪徒竄陷城汛旋即收復一摺貴州教匪徐廷杰等於上年十一月竄撲銅仁府屬之正大營署分防縣丞趙世欽署守備宋興邦等管帶兵練出城抵禦因衆寡不敵被匪擁入宋興邦等密約城內兵民乘夜放火開門內外夾攻斃匪多名該匪即行奔逃其自思南分撲印江之賊經署印江縣知縣何維炳率勇迎殺十數名又有另股匪徒撲來衆寡不敵賊竄入城何維炳帶領練勇殺死紅巾騎馬偽將軍一人夥賊二百餘人復密派團民入城內應破開南門遂將印江縣城收復擒殺竄匿餘匪百數十名署銅仁協守備宋興邦署印江縣事候補府經歷何維炳於所守城汛被賊竄入各有應得惟數日內即能設法收復尚知愧奮該員等失守處分均著免其置議署正大營分防縣丞試用從九品趙世欽被賊衝散著蔣蔚遠查明該員下落

如有逃避情事即著從嚴叅辦○諭軍機大臣等蔣霽遠奏銅仁匪徒連陷府縣請飭催川楚兩省官兵會剿一摺前已有旨諭令黃宗漢飭令蔣玉龍傅崐等帶兵相機進剿與黔兵協力夾擊並令萬福扼守川省門戶為蔣玉龍等後援又諭駱秉章酌量情形令文安督兵由楚入黔藉資堵剿茲據蔣霽遠奏稱該匪等奔竄思南石阡後又有窺伺思州之信賊氛猖獗急需催兵會剿自係實在情形現在傅崐已經到黔其蔣玉龍之兵因秀山一帶松桃餘匪未盡以致赴黔稍遲文安所統各兵亦恐因道途不靖晃沅等處阻梗未能出境業經屢次降旨飭催著蔣霽遠探明川楚官兵現抵何處派員迎提以資協擊並先就現有兵力分撥進剿毋得專待客兵至思南石阡是否旋失旋復並著蔣霽遠確查具奏思州被擾已據文安奏報該撫亦探有匪徒竄往應即嚴飭帶兵員弁趕緊迎剿

母令蔓延將此由六百里諭令知之○浙江巡撫何桂清奏匪犯悔罪投誠援案奏乞恩施得旨林作霖等准其免罪儻若滋事從嚴懲辦○以募勇殺賊並防護貴州省城出力授在籍翰林院庶吉士丁寶楨為編修並賞花翎○以勦辦貴州安順府狎匪出力賞馬兵崔柄等藍翎餘升敘有差○以勦辦貴州歸化廳狎匪出力賞外委張爾惠等藍翎餘升敘有差○予貴州丹江廳殉難署通判嚴錫珍署參將烏爾滾珠守備計維富千總周開廣祭葬世職○予貴州平越州遇賊被戕典史陸滋秀祭葬世職額外外委周士雄賞卹如例○戊辰以鑲白旗滿洲副都統熙拉布為鑲黃旗護軍統領○

上以次辛祈穀於

上帝自是日始齋戒三日○己巳

孝全成皇后忌辰遣官祭

慕陵○諭內閣曾國藩奏水陸兵勇克復樟樹

鎮並收復新淦縣城一摺上年十二月初四日官軍克復樟樹鎮業經陸元烺奏報茲據曾國藩奏副將周鳳山於克復該鎮後聞新淦縣城有賊盤踞於初九日約同水師星夜進攻該逆聞風逃竄官軍跟蹤追擊斃賊多名登岸之賊亦各遠遁當將縣城收復此次周鳳山與在籍南河候補知府劉于濤督同水陸各軍疊獲勝仗收復樟樹鎮及新淦縣城辦理尚屬得手所有在事出力文武員弁

兵勇著曾國藩擇尤保奏候朕施恩○以攻勦江西湖口賊匪出力賞候選同知直隸州黃冕左宗棠花翎從九品彭斯舉等藍翎餘加銜升敘有差○庚午

上詣

南郊齋宮齋宿○諭內閣勞崇光奏請飭催實任揀發及大挑各員迅速赴粵並查明改捐員數補行揀發一摺廣西省部選及揀發人員到省者甚屬寥寥該省軍務未竣差委需

人豈容任意遷延著吏部查明單開各員催令迅速依限赴粵如有無故逗遛者即照例叅處其上屆揀發廣西各員著查明改捐指省員數在於候選人員內另行如數照例揀選帶領引見候旨發往至所稱銓選揀發後改捐歸選指省人員請飭酌議章程定以限制之處並著該部覈議具奏單併發尋奏用兵各省揀發等員不准捐離省及改捐他省月選各員不准改捐降捐捐升者到省後方准辦理從之○辛未祈穀於

上帝

上親詣行禮○詣

闕帝廟拈香○幸圓明園○詣

安佑宮行禮○

御製書事示廷臣曰予蒙

天恩承

考命臨御天下六年於茲四海無一日安靜萬姓罹兵燹之災返躬自問

天恩未報

祖考之恩未報若稍自暇逸是誠何心哉予不敢亦不忍也每逢親詣

郊壇無不心增愧慙今年新正幸園敬循成憲

次日即恭值

皇考忌辰地猶斯地

言猶在耳興念及此真堪一痛哭也斯夕常思何以使兵戢民安仰答

天

祖之恩惟有永勵斯志倍加敬勤不願徒託空

言務期躬行實踐爾諸臣或曾膺

顧命或簡在賢良既為國之大臣當思共濟時

艱即使天下既安更防恬嬉之漸書曰慎終

如始我君臣其共勉之○諭內閣英桂奏請

飭撥馬匹以資勦匪等語著上駟院於牧放

蒙古捐輸馬匹內挑選臚壯馬五百匹著管

理火器營王大臣即派該營章京分起管帶

前往河南交英桂軍營聽候撥用沿途經過

地方著順天府直隸總督派員接遞護送妥為照料○以

祈穀大祀禮節嫺熟賞贊引官明康五品頂翎

○壬申

宣宗成皇帝忌辰遣官祭

慕陵○

上詣

安佑宮行禮○諭內閣麟興本日因伊母病故

懇請賞假自行具摺實屬與例不符麟興著

交部議處○又諭駱秉章奏官軍勦擊黔匪

獲勝並克復廳縣城池一摺貴州苗匪攻撲

鎮遠城垣經護辰沅永靖道翟誥派委屯弁

梁友芳及苗守備麻學道等各帶兵勇進勦

斃匪八十名該逆分路竄犯晃州復分撲沅

州府城知府方傳穆與在城文武督率兵民

嬰城固守署都司黃文燦率兵親開大礮各

城兵勇槍礮齊施斃賊數百名賊遂敗退由

大路奔竄方傳穆等督兵跟蹤追殺斃賊四